

վարեա զաշխարհս մեր : Տուր մեզ զցանկալին խա-
ղաղութիւն և զկերակուր շափաւոր 'ի սնունդս
որդեկաց Քոց » :

Ը

ԵՐԳ ԱՌ ՆՈՅՆ ՍՐԲՈՒԹԵԱՆՑ ՄԱՅՐ

Ո՛վ անըսպառ ողորմութեանց Տիրուհի,
Երես յերկիր անկանիմք Քո առաջի,
Աչք յարտասուս աղերսաւորք, անսասան
Պահել ըզմեզ ընդ հովանեաւդ յաւիտեան :
Դու ես պաշտպան հանուրց սեռիս մարդկութեան
Զարդ և պարծանք մեր աշխարհիս Փոտոլեան :
Կոյսդ համբաւեալ, յեկեղեցւոյն Հայոց,
Երևեցար փայլակնացայտ 'ի հուր բոց,
Յառնուլ նոցա զայս մեր քաղաք 'ի մարտին :
Նոքա ինքեանք ոչ ուրացան, ասացին,
Զի բոցավառ ըզսըրբավայր Քո տեսին,
Ընդ որ ապշեալ, յահ և յերկիւղ պատեցան :
Դու փրկեցեր ըզՔո որեարդ հայկազեան,
Մինչ զընային հալածական 'ի ծովու,
Հետամուտ լեալ 'ի թընամեաց ահարկու .
Բեկեալ կայմիւ հաներ զնոսա 'ի յանբոյթ
Նաւահանգիստ, ըզթշնամիս կորուսեալ,
Ըզնաւս նոցին ախիւ գանձիւ ընկըզմեալ :
Իսկոյն ծանեան մերքըն՝ զերծեալք հըրաշիւք
Զի Քո էին կոյս Տիրամայր այն արդիւնք :
Դարձ արարեալ այսրէն 'ի մերըս աշխարհ
Ի Լով քաղաք առեր հանգիստ և դադար :
Անդ համբաւեալ, աշխարհ վրկայ, ըստ որում
Ետուր կաղաց, կուրաց, խօթից բժըկութիւն :